

**ԵՐԿՐԱՄԵԽԱՆԻԿԱ**, գիտությունն երկրա-  
կեղևի մեխանիկական վիճակների և երկ-  
րակեղևում բնական տարբեր ֆիզիկա-  
կան ազդեցությունների հետևանքով զար-  
գացող պրոցեսների մասին: Ուսումնա-  
սիրելով ապարների մեխանիկական հատ-  
կանիշների ձևավորման, երկրակեղևում  
լարումների վերաբաշխման և ապարա-  
զանգվածների դեֆորմացիաների, տե-  
ղափոխության, քայքայման ու ամրացման  
օրինաչափությունները՝ Ե. բացատրում  
է երկրակեղևի որևէ տեղամասում կա-  
տարվող լարված-դեֆորմացիոն վիճակի  
փոփոխությունը և կանխատեսում գալիք  
պրոցեսները: ՀՍՍՀ ԳԱ երկրաբանա-  
կան գիտությունների ինստ-ի երկրամեխա-  
նիկայի բաժինը հետազոտություններ է  
կատարում Կովկասի տարածքում: